

*Mach mit!
Partecipa anche tu!*



**Aktionstage Politische Bildung
Verso una cittadinanza attiva
Dis de educazion politica**

**2.-9. Mai
maggio
2024**

N bel mond nuef?!

Schöne neue Welt?!

Dolce mondo digitale?!



Dis de Educazion Politica

L travert di Dis de Educazion Politica (D.E.P.) ie chël de fé lum sun l lëur de formazion y educazion politica. Sëuraprò dëssa chisc dis ncurajé la persones a se dé ju ativamënter tl ciamp dla formazion y dla educazion, culaburan y se lascian tumé ite ideies nueves tl ciamp politich, soziel y culturel.

Uni ann vëniel crì ora na tematica prinzipela a chëla che l ti vën dat na atenzion particulera. La lies, la associazions, la unions y duta l'otra urganisations vën cherdedes a mëter a jì scumenciadives. La manifestazion possa se urienté ala tematica prinzipela dla edizion di D.E.P., ma la possa nce avëi da nfé cun d'otra tematches d'atualità. N ne ie nia sfurzei de lië la scumenciadiva ala tematica prinzipela.

Tl cheder di D.E.P. vëniel crì adum y metù a jì scumenciadives, che possa vester proiec cuncrec o nce mé ideies, che à da nfé cun la formazion y la educazion politica. Chësta scumenciadives possa bele vester nviedes via, vester tl lëur de unì prugramedes o nce dl dut nueves. Sce la va, fossel bon sce la manifestazions unissa metudes a jì dai 2 ai 9 de mei o iló ntëur, davia che chësta ena ie unida crissa ora per i D.E.P. Duta la scumenciadives documentedes unirà publichedes sun la plata web, sun *facebook* y sun l calënder de papier che unirà stampà y che vën partì ora te dut l Sudtirol. Ntëur ala fin dl ann uniral publicà l cudejel anuel cun i ressumé dla manifestazions che ie unides a se l dé.

I D.E.P. ie unic metui a jì te Sudtirol per l prim iede dl 2008. I ie n cuntribut al proiet dl Cunsëi dla cumunità europeica per na “educazion ala zitadinanza democratica y sun i dërc dla persona”. Chisc vën bele purtei inant da ani da plu stac dl'Europa, dantaldut te chëi de rujeneda tudëscia.



N bel mond nuef?!

Digitalisazion y nteligënza artifiziela

La digitalisazion y la nteligënza artifiziela ie argumënc che n aud tresora. Mo mei fova nosta vites, te tan de ciamps, tan dassënn determinedes da algoritms coche sën. Suvënz ne se rendons nianca cont.

I svilups tecnics sforza la sozietà a crì respostes a dumandes mpurtantes: Cie uel pa dî nteligënza? Iela pa da capì coche n pensier logich y possela pa unì prugrameda artifizialmënter? Ulà possa pa la nteligënza artifiziela judé pea a se dé ju cun la sfides atueles dla sozietà y cie saral pa mesun fé tl daunì? A ce pont ne ruverà pa nia la nteligënza artifiziela? Y te ciuna misura ie pa la nteligënza artifiziela na benedescion o n pericol?

DI 2024, tl cheder di Dis de Educazion Politica (D.E.P.), ve nvions a cunscidré la tematica da n pont de ududa ndividuel y soziel: te ciuna maniera possa pa la nteligënza artifiziela nfluenzé nosta vites coche individuum y coche sozietà? Y ciun nflus à pa la digitalisazion y la nteligënza artifiziela sun la democrazia?

Tema 2024

Tò pert

Tol nce tu pert, metan a jì na manifestazion tl cheder di D.E.P. dl 2024. Da sèul, cun ti lia/assoziazion o cun n/na ti cumpani/-a.


Online, sun plaza, al bar, te na tlas o te n zënter de furmazion? Na cunferënza, na descuscion, na mostra, n cunzert o n *work-shop*?

L ie truepa pusciblteies de mèter a jì na manifestazion y nëus se ncunfertron sce lascëis lerch a vosta fantasia y metëis a jì truepa scumenciadives, te de plu formes y culëures, y culaburan danter vo.

Sce ëis de bujën de ispirazion pudëis cialé ite tla plata internet dla Provinzia sun i D.E.P., ulache pudëis nce desciarië i programs y i ressumé dla scumenciadives di ultimi ani.

Iló abinëis nce l formuler per tò pert y truepa d'otra nformazions. L formuler possa nce unì damandà do via e-mail, tres telefon o de persona.

L ultimo di per dé ju la scumenciadives ie ai
4 de merz 2024.



Coordinaziun:

Ofize Formaziun Culturala,

Str. Andreas Hofer 18

Tel. 0471 413381/95

E-Mail: astrid.crepaz@provinz.bz.it

christine.spoegler@provinz.bz.it

facebook: [@aktionstagebz](https://www.facebook.com/Politik_und_jetzt?Politicae_poi)

[@aktionstagebz](https://www.provinz.bz.it/politische-bildung)

www.provinz.bz.it/politische-bildung